

10 ASO TALOSAGA – 2018

Aso Lima_5

O le Efota

E o’o ‘ina e toeaina, o a’u lava o ia, e o’o fo’i ‘ina ulusinā. O a’u lava ‘ou te tau’ave ‘iā te oe; o a’u na ‘ou faia, ‘ou te si’itia fo’i, ‘ou te tau’ave, ma ‘ou lavea’iina oe.. *Isaia 46:4*

A o tauaveina e le ositaulaga sili le efota i ona tauau, e faapea foi le tauaveina e le Osi Taulaga Sili o a tatou avega, ma faamalosi mai ia i tatou i taimi o ō tatou puapuaga, ina ia mafai ai e i tatou ona molimau atu mo Ia tusa lava po a tulaga faigata.

Ua valaaulia i tatou e lo tatou Faaola ina ia tatou sootia i tatou ma Ia ma faapipii o tatou vaivaiga ma Lona malosi, lo tatou leiloa o se mea ma lona poto, lo tatou le agava’a i le faaolataga ma ana galuega taulia o le faaolataga. (*The Faith I Live By*, p.96)

Ia lafoa’i uma atu avega ia te Ia, aua o lo o manatu mai o Ia ia te oe. (1 Peteru 5:7)

O le tuufaatasia o le faatuatua, tatalo, ma le galue, o le fofō mautinoa lea mo le tagata loto mafatia. O le faatuatua ma gaoiga faatino o le a fanau ai le mautinoa ma le loto faamalieina e tupu pea i aso uma. O faaosoosoina ea oe ina ia e talia loa lagona ua faapouliuligia e le popole, po ua e talia le manatu ua matuā leai lava ma se faamoemoe? I aso sili ona pogisa, ina ua matua leai se mea e tali mai ma tua iai ou faamoemoega, aua le popole. Ia faatuatua i le Atua. Na te silafia lelei ou mana’oga. E ia te Ia le mana. E le taitai ona muta Lona alofa ma e lē vaivai fo’i Lona alofa mutimutivale. Aua e te fefe ne i mea ane ua Ia le faataunu’uina Ana folafolaga. O Ia o le Upumoni e faavavau. E na te lē suia se feagaiga ua Ia osia ma i latou o e alolofa atu ia te Ia. O le a ia faae’e atu i Ana auauna faamaoni le fua faatatau e talafeagai lelei ma o latou manaoga. O le molimau a le aposetolo o Paulo: “Ona fa’apea mai ai lea o ia ‘iā te a’u, “O lo’u nei alofa tunoa e lava lea e fesoasoani ‘iā te oe; auā o le vaivai e fa’a’atoaina ai lo’u mana.” ... O lea ‘ou te fialia ai i mea e vaivai ai, o le fa’aleaga mai, o malaia, o le agatele mai, o le atuatuva’e ‘ona o Keriso; auā pe a ‘ou vaivai, ‘ona ‘ou malosi ai lea.” (2 korinito 12:9, 10) (*Prophets and Kings*, p. 164)

O le malosi o i latou e alolofa ma uauna atu ia te Ia o le a faafouina i lea aso ma lea aso. O le a iai Lana silafaga i la latou auaunaga ina ia aua ne i lape lo latou faatinoina o Ana fuafuaga. E le tatau ona iai se faau’u i auaunaga i le Atua. E tatau i lo tatou faatuatua

10 ASO TALOSAGA – 2018

Aso Lima_5

ona tatali le omia o i tatou i le malosi o lo o una'i mai. E mafai e le Atua ma ua finagalo foi e faae'e i luga o Ana auauna le malosi uma latou te mana'omia. O le a faamalieina e Ia faamoemoega sili o i latou e tuu atu lo latou faatuatuaga ia te Ia. Sili atu i lea, e auvatu e Ia le poto talafeagai lelei ma o latou manaoga eseese e fetaia'i ma i latou.

E lē mafai e i tatou ona maua pe mafai ona faatino se lotu a Keriso na o i tatou lava e aumoa ma Ia; auā fo'i, mai mea uma lava, e sili ona faa'ole'ole le loto; ae o Keriso, le foma'i sili o le loto, e na te faitauina lelei manatu o le tagata e aunoa ma se lape, ua Ia faailoa mai ia i tatou le auala e faamamā ai mai agasala. "O lo'u alofa tunoa ua lava lea mo oe," o lea Lana fetalaiga ia i latou o lo o faavauvau i lo latou lē atoatoa. "Omai ia ia te a'u, o i latou uma o ē galulue ma mafatia i avega, ona ou auvatu lea ia te i latou o le malologa." O avega uma e faifaatatau e Lē ua valaau mai e mulimuli atu ia te Ia, ae le i faae'eina i o tatou tauau. O lo o faapea mai Keriso i so se tasi e tofotofoina ma faaososoina, "E mafai ona ou faamalosiina oe i ou tiute i le soifuaga faa-Kerisiano. Ia vaavaai atu ia Iesu, o Lē na amataina ma Lē na te faaatoaina le faatuatua, ia tatou pu'e le malamalama o Lona faaali mai, faailoa atu lona faatusa, ma ia tutupu ina ia matuā matutua faa tama tane ma fafine iā Keriso Iesu. O le a faatosina mai tagata i la tatou lotu ona o le a ia i tatou le nanamu o le amiotonu o Keriso. O le a o tatou fiafia; talu ai ona o la tatou meaai aano ma le vai inu faaleagaga o le amiotonu ma le filemu ma le olioli. (*Review and Herald*, May 4, 1897, par. 11)

O se mea sili le lelei ma le Atua, aua ua ō gatasi le tagata ma Lē na foafoaina o ia. I le lotolotoi ai o le tagata i le sosolo faa-fa'ama'i o le leaga, o lo o fai lea ma faafoliga e mailei ma faatosina ese le tagata mai ona tiute, o le a aumaia agelu e lavea'i i tatou. Ae afai tatou te valaaulia faaososoga, e le mafai ona tatou maua le fesoasoani faalelagi tatou te faatoilaloina ai. Sa mafai e le toatolu agava'a ona tatalia le ogaumu aasa aua sa savavali faatasi Iesu ma i latou i le afi. Pe ana na o i latou na savavali i le afi, se manu e faaumatia lava i latou. E faapea fo'i i tatou, pe afai tatou te lē tuuina atu lava tatou i faaososoga, e faatumaina lava i tatou e le Atua i taimi e o'o mai ai faaososoga. (*Signs of the Times*, Sept. 2, 1897, par. 11)

E faatūina e le Atua tagata ma tu'u iai Lona Agaga, ma tapenaina i latou mo le galuega e tatau lava ona faataunuu. O Ia lava, le Atua o le Upumoni, o le a Ia faa-agava'aina i latou ina ia faailoa atu ni molimau ola e fou mo Ia. O le a fai i latou ma molimau mo le Atua. E le ona e tupuga mai i o latou lava mogeoso; Ae o le unaina o i latou e le Agaga o le Atua ina ia faataulagafo e taulamua mo le Upumoni. O le a faatumauina i latou e le

10 ASO TALOSAGA – 2018

Aso Lima_5

Atua. E Na te silasila po a ni manaoga, ma Na te faatulagaina Ana fuafuaga faatino i lea tausaga ma lea tausaga. E Na te le faatagaina le tagata ina ia fai lona lava loto. Afai e talia e le tagata lona lava tulaga ua na o ia lava o se tagata, e galue le Atua i totonu o ō latou loto ma faaogā i latou. (*Review and Herald*, May 25, 1897, par. 11)